



Bosnia and Herzegovina
Federation of Bosnia and Herzegovina

CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-02/4-05-31479/18
Sarajevo, 24.09.2018.godine

Na osnovu člana člana 76. Zakona o socijalnoj zaštiti, zaštiti civilnih žrtava rata i zaštiti porodice sa djecom („Službene novine Kantona Sarajevo“, broj: 38/14 – Prečišćeni tekst, 38/16, 44/17 i 28/18), Ministarstvo za rad, socijalnu politiku, raseljena lica i izbjeglice Kantona Sarajevo, donosi

ODLUKU

**O DAVANJU SAGLASNOSTI NA PRAVILA KANTONALNE JAVNE USTANOVE DOM ZA DJECU
BEZ RODITELJSKOG STARANJA**

I

Daje se saglasnost na Pravila Kantonalne javne ustanove Dom za djecu bez roditeljskog staranja broj: 53-UO/18 od 30.08.2018. godine, koji je Upravni odbor ove ustanove donio Odlukom broj: 55-UO/18 od 30.08.2018. godine.

II

Ova odluka stupa na snagu danom donošenja.

Pripremio: Zoran Timarac, šef odjeljenja ██████████
Kontrolisao: Nurija Hodžić, pom. ministrice
██████████

Dostaviti:

- KJU Dom za djecu bez roditeljskog staranja
Ulica Bjelave 52
- Direktoru
- Upravnom odboru
- Nadzornom odboru



MINISTRICA
██████████
Amela Dautbegović



**BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
KANTONALNA JAVNA USTANOVA
DOM ZA DJECU BEZ RODITELJSKOG STARANJA**

Broj: 55-UO/18

Sarajevo, 30.08.2018. god.

Na osnovu člana 27. stav (1) alineja 1, Uredbe sa zakonskom snagom o ustanovama („Službeni list RBiH“ br 6/92, 8/93 i 13/94), Upravni odbor Kantonalne javne ustanove Dom za djecu bez roditeljskog staranja na sjednici održanoj 30.08.2018. godine *donosi*

O D L U K U

Član 1.

Donose se Pravila Kantonalne javne ustanove Dom za djecu bez roditeljskog staranja broj: 53-UO/18 od 30.08.2018. godine.

Član 2.

Na Pravila iz člana 1. ove odluke, pribavit će se saglasnost od strane Ministarstva za rad, socijalnu politiku, raseljena lica i izbjeglice Kantona Sarajevo

Član 3.

Ova Pravila će se nakon pribavljene saglasnosti iz člana 2. ove odluke, objaviti na oglasnoj ploči Doma, te će ista stupiti na snagu osmog dana od dana objavljivanja.

Član 4.

Ova odluka stupa na snagu danom donošenja.

Dostaviti:

1. Ministarstvo za rad,
socijalnu politiku, raseljena lica i izbjeglice Kantona Sarajevo
2. a/a



**PREDSJEDNIK
Upravnog odbora**
████████████████████
████████████████████
Elfada Gutić, dipl. iur



KJU DOM ZA DJECU
BEZ RODITELJSKOG STARANJA SARAJEVO

P R A V I L A
Kantonalne javne ustanove
Dom za djecu bez roditeljskog staranja

Sarajevo, august 2018. godine

Na osnovu člana 27. stav (1) alineja 1 i člana 37. Zakona o ustanovama („Službeni list R BiH“, broj: 6/92, 8/93 i 13/94) i člana 12. Odluke o osnivanju Kantonalne javne ustanove Dom za djecu bez roditeljskog staranja („Službene novine Kantona Sarajevo“, broj: 27/06, 31/07, i 21/12), Upravni odbor Kantonalne javne ustanove Dom za djecu bez roditeljskog staranja Sarajevo, na sjednici održanoj dana 30.08.2018. godine, donosi

P R A V I L A

Kantonalne javne ustanove Dom za djecu bez roditeljskog staranja

I. OPŠTE ODREDBE

Član 1. **(Osnovna odredba)**

Ova Pravila sadrže odredbe o nazivu i sjedištu Ustanove, osnivaču i statusu Ustanove, obavezama Ustanove prema osnivaču, djelatnosti Ustanove, načinu i uslovima obavljanja djelatnosti, odnosu prema korisnicima usluga, nadležnostima, načinu imenovanja i razrješenja organa upravljanja, organa rukovođenja i organa nadzora, uslovima i načinu izbora članova tih organa, opštim aktima koji se donose u Ustanovi i načinu njihovog donošenja, načinu ostvarivanja javnosti rada i druge odredbe od značaja za rad Kantonalne javne ustanove Dom za djecu bez roditeljskog staranja.

Član 2. **(Naziv Ustanove)**

- (1) Naziv ustanove je: Kantonalna javna ustanova Dom za djecu bez roditeljskog staranja.
- (2) Skraćeni naziv je: Dom za djecu.

Član 3. **(Sjedište)**

- (1) Dom za djecu ima svojstvo pravnog lica i za svoja prava i obaveze odgovara cjelokupnom svojom imovinom.
- (2) Sjedište Doma za djecu je u Sarajevu, ulica Bjelave broj 52.

Član 4. **(Pečat i štambilj)**

- (1) Dom za djecu u svom radu upotrebljava pečat i štambilj.
- (2) Pečat Doma za djecu je okruglog oblika, prečnika 35 i 20 mm sa slijedećim tekstom: Kantonalna javna ustanova Dom za djecu bez roditeljskog staranja, u sredini pečata je zaštitni znak (grb) Kantona Sarajevo, ispisan latinicom i ćirilicom istovremeno u koncentričnim krugovima.
- (3) Štambilj Doma za djecu je pravougaonog oblika sa slijedećim tekstom: Bosna i Hercegovina, Federacija Bosne i Hercegovine, Kanton Sarajevo, Kantonalna javna ustanova „Dom za djecu bez roditeljskog staranja“ Sarajevo, ispisan latinicom i ćirilicom istovremeno.

Član 5.
(Osnivač)

Osnivač Kantonalne javne ustanove Dom za djecu bez roditeljskog staranja je Skupština Kantona Sarajevo (u daljem tekstu: Osnivač), a osnivački akt donosi Skupština Kantona Sarajevo.

Član 6.
(Obaveze prema osnivaču)

- (1) Dom za djecu kao ustanova socijalne zaštite, ima obaveze da izvršava svoju djelatnost u skladu sa aktom o osnivanju Ustanove, te da se u cjelosti pridržava odredaba tog akta koje se odnose na ostale obaveze Ustanove.
- (2) Dom za djecu ima obavezu da uredno, preko Organa upravljanja, Osnivaču podnosi izvještaje o radu i finansijskom poslovanju za period koji odredi Osnivač, odnosno obaveze koje su utvrđene zakonom.

II. DJELATNOST- NAČIN I USLOVI OBAVLJANJA DJELATNOSTI

Član 7.
(Osnovna djelatnost)

Osnovna djelatnost Doma za djecu je:

- a) pružanje usluge cjelokupnog zbrinjavanja, odgoja, školovanja, zdravstvene zaštite djece bez roditelja i djece čiji je razvoj ometen porodičnim prilikama;
- b) primanje na smještaj i zaštitu djece iz prethodnog stava od rođenja do navršenih 18 godina života;
- c) izuzetno od stava (2) ovog člana, ukoliko se ocjene da postoje opravdani razlozi, na prijedlog Doma za djecu, JU „Kantonalni centar za socijalni rad“ (u daljem tekstu: Kantonalni centar) može djetetu produžiti smještaj u Domu za djecu i nakon 18. godine života, a najviše do navršenih 27 godina;
- d) pružanje organizovane i individualne pomoći za uspješno savladavanje programa odgoja i obrazovanja šticenika;
- e) Dom za djecu može koristiti usluge dječijih vrtića i drugih ustanova, u cilju bolje socijalizacije svojih šticenika;
- f) u Domu za djecu može se, uz prethodnu saglasnost Ministarstva za rad, socijalnu politiku, raseljena lica i izbjeglice Kantona Sarajevo, kao organizaciona jedinica osnovati Prihvatilište za trudnice i samohrane majke sa djecom do 6 mjeseci starosti.

Član 8.
(Djelatnost)

- (1) Djelatnost Doma za djecu usmjerena je na:
 - a) obavljanje stručnih i drugih poslova iz oblasti socijalne zaštite,
 - b) zbrinjavanje određenih kategorija korisnika socijalne zaštite kroz pružanje usluga zbrinjavanja i smještaja djece bez roditeljskog staranja,
 - c) obezbjeđenje ishranu, higijene, odjeće, obuće, školskog pribora i ostalog nastavnog materijala za djecu Doma,
 - d) proučavanje pojava i problema u oblasti socijalne zaštite,
 - e) provođenje mjera i akcija u saradnji sa mjesnim zajednicama i drugim organima na suzbijanju i sprečavanju neprihvatljivog ponašanja djece,
 - f) vođenju brige o zdravstvenom stanju djece i pravilnom psihofizičkom razvoju,

- g) omogućavanje djeci da uspješno savladavaju nastavne sadržaje i druge zadatke koje ostvaruju u ustanovama u oblasti obrazovanja i vaspitanja,
 - h) razvijanje smisla za kolektivni život i rad kod djece i njegovanje humanosti, solidarnosti, odgovornosti i drugih pozitivnih svojstva ličnosti,
 - i) otkrivanje, praćenje i podsticanje pozitivne sklonosti djece,
 - j) djelovanje cjelokupnom organizacijom života i rada i uključivanjem štićenika u svakodnevne poslove u Domu za djecu, na usvajanju higijenskih, kulturnih i radnih navika i pravilan odnos prema fizičkom i intelektualnom radu.
- (2) Dom za djecu može promijeniti ili proširiti djelatnost iz stava (1) ovog člana, o čemu odluku donosi Osnivač.

Član 9. (Šifra djelatnosti)

Šifra djelatnosti Doma za djecu određena je prema Odluci o klasifikaciji djelatnosti Bosne i Hercegovine 2010 („Službeni glasnik BiH“ broj 47/10) i obuhvata slijedeće razrede :

- a) 87.90 Ostale djelatnosti socijalne zaštite u ustanovama sa smještajem,
- b) 88.99 Ostale djelatnosti socijalne zaštite bez smještaja d.n.

Član 10. (Unutrašnje organizacione jedinice)

- (1) Poslovi i zadaci u Domu za djecu vrše se putem unutrašnjih organizacionih jedinica i to:
- a) Kabinet direktora
 - b) Stručna služba
 - c) Služba finansijsko računodovstvenih poslova
 - d) Služba pravnih, kadrovskih i općih poslova
 - e) Služba za tehničke poslove
- (2) Unutrašnje organizacione jedinice nemaju svojstvo pravnog lica.

III. ZASTUPANJE I PREDSTAVLJANJE

Član 11. (Zastupanje)

- (1) U obavljanju poslova iz djelatnosti Doma za djecu, isti zastupa i predstavlja direktor, kao organ rukovođenja.
- (2) U smislu stava (1) ovog člana, direktor zaključuje sve ugovore i vrši druge pravne radnje, te zastupa Dom za djecu pred sudovima i drugim organima i tijelima, bez ograničenja.

Član 12. (Davanje ovlaštenja)

- (1) Direktor Doma za djecu može ovlastiti drugo lice iz reda stručnih zaposlenika Doma za djecu, za poduzimanje određenih radnji.
- (2) Direktor Doma za djecu može ovlastiti šefove organizacionih jedinica za potpisivanje pojedinačnih akata, o čemu donosi odluku u pismenoj formi – ovlaštenje.
- (3) Direktora Doma za djecu u njegovoj odsutnosti zamjenjuje lice koje on ovlasti, o čemu donosi odluku u pismenoj formi - ovlaštenje.

IV. SREDSTVA ZA RAD I ODGOVORNOST ZA OBAVEZE U PRAVNOM PROMETU

Član 13. (Sredstva za rad)

- (1) Sredstva za rad Doma za djecu obezbjeđuju se iz:
 - a) Budžeta Kantona Sarajevo,
 - b) ličnog učešća korisnika,
 - c) donacija,
 - d) drugih izvora, u skladu sa zakonom.
- (2) Dom za djecu raspolaže sredstvima u skladu sa Zakonom o izvršavanju Budžeta Kantona Sarajevo.

Član 14. (Odgovornost za obaveze u pravnom prometu)

- (1) Dom za djecu je odgovoran Osnivaču za rezultate svoga rada i djelovanja u svim oblastima za koje je nadležan.
- (2) Obaveze Doma za djecu prema Osnivaču su da:
 - a) pribavi saglasnost Osnivača kod svih statusnih promjena (promjena naziva, sjedišta, djelatnosti i drugih promjena utvrđenih zakonom),
 - b) jedanput godišnje Osnivaču podnosi Izvještaj o poslovanju i godišnji Program rada Ustanove,
 - c) druge obaveze utvrđene zakonom.
- (3) Osnivač je supsidijarno odgovoran za obaveze Doma za djecu do visine osnivačkog uloga.

V. ODNOS PREMA KORISNICIMA USLUGA SMJEŠTAJA

Član 15. (Korisnici usluga i njihov smještaj)

- (1) Korisnici usluga smještaja su djeca bez roditelja i/ili djeca čiji je razvoj ometen porodičnim prilikama do navršениh 18 godina života, a izuzetno, ukoliko se ocijeni da postoje opravdani razlozi, na prijedlog Doma za djecu, Kantonalni centar može produžiti smještaj u Domu za djecu i nakon 18. godine života, a najviše do navršениh 27 godina.
- (2) U Domu za djecu se ne mogu smjestiti djeca bez rješenja o smještaju od Kantonalnog centra.

Član 16. (Odnos prema korisnicima usluga)

U stručnom timskom radu u Domu za djecu se primjenjuju metode i principi socijalnog rada, pedagoško psihološke metode, zdravstvena zaštita sa ustanovama zdravstvene zaštite i saradnjom sa javnim ustanovama u oblasti socijalne zaštite i ustanovama u sistemu obrazovanja i vaspitanja, kao i drugim udruženjima građana, vladinim i nevladinim organizacijama i institucijama koje se bave pitanjima socijalne zaštite, kao i metode drugog stručnog rada uz primjenu profesionalne etike.

VI. ORGAN UPRAVLJANJA

Član 17. (Organ upravljanja)

- (1) Organ upravljanja u Domu za djecu je Upravni odbor.
- (2) Predsjednika i članove Upravnog odbora imenuje i razrješava Vlada Kantona Sarajevo u skladu sa zakonom i podzakonskim aktima.
- (3) Upravni odbor sastoji se od 5 (pet) članova od kojih se, u pravilu 2 (dva) člana imenuju iz reda stručnih zaposlenika, a 3 (tri) člana ispred Osnivača Ustanove.
- (4) Upravni odbor donosi odluke većinom glasova svih članova.
- (5) Predsjednik i članovi Upravnog odbora imenuju se na period od 4 godine i mogu biti ponovo imenovani.
- (6) Predsjednik i članovi Upravnog odbora imaju pravo na mjesečnu naknadu, čiju visinu određuje Vlada Kantona Sarajevo.

Član 18. (Imenovanje organa upravljanja)

- (1) Za predsjednika i člana Upravnog odbora pored uslova propisanih Zakonom o ustanovama, Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo i drugim zakonskim i podzakonskim aktima, može biti imenovana osoba koja ispunjava i slijedeće uslove:
 - a) da je državljanin Bosne i Hercegovine;
 - b) da nije osuđivan za krivično djelo koje je nespojivo sa obavljanjem dužnosti predsjednika i člana Upravnog odbora Doma za djecu;
 - c) da nije osuđivan za prekršaj koji je nespojiv sa obavljanjem dužnosti predsjednika i člana Upravnog odbora Doma za djecu;
- (2) Bliži uslovi za imenovanje predsjednika i člana Upravnog odbora sadržani su u posebnom aktu koji donosi Vlada Kantona Sarajevo.

Član 19. (Razrješenje organa upravljanja)

Pored razloga propisanih Zakonom o ustanovama Osnivač može razrješiti predsjednika i članove Upravnog odbora i prije vremena na koje su imenovani u slučajevima propisanim Zakonom o socijalnoj zaštiti, zaštiti civilnih žrtava rata i zaštiti porodice sa djecom i drugim zakonskim i podzakonskim aktima.

Član 20. (Nadležnosti organa upravljanja)

- (1) Nadležnost Upravnog odbora Doma za djecu je slijedeća:
 - a) donosi Pravila,
 - b) imenuje i razrješava direktora i vršioca dužnosti direktora,
 - c) utvrđuje planove rada i razvoja,
 - d) utvrđuje godišnji program rada,
 - e) donosi finansijski plan i usvaja godišnji obračun,
 - f) donosi Pravilnik o radu, kao i druge opšte akte u skladu sa zakonom,
 - g) usmjerava, kontroliše i ocjenjuje rad direktora,
 - h) rješava sva pitanja odnosa sa osnivačem,
 - i) odlučuje o svim pitanjima obavljanja djelatnosti radi koje je Dom za djecu osnovan, ako zakonom nije određeno da o određenim pitanjima odlučuje drugi organ,
 - j) odgovara Osnivaču za rezultate rada Doma za djecu,

- k) odlučuje o prigovoru radnika Doma za djecu na rješenje kojim odlučeno o pravu, obavezi i odgovornosti zaposlenika iz radnog odnosa,
 - l) podnosi Osnivaču najmanje jedanput godišnji izvještaj o radu sa izvještajem o finansijskom poslovanju Doma za djecu,
 - m) vrši i druge poslove u skladu sa zakonom i Pravilima Doma djecu.
- (2) Bliže odredbe o radu Upravnog odbora sadržane su u Poslovniku o radu Upravnog odbora Doma za djecu.

VII. ORGAN RUKOVOĐENJA

Član 21. (Organ rukovođenja)

- (1) Organ rukovođenja u Domu za djecu je Direktor.
- (2) Procedura za izbor i imenovanje direktora provodi se u skladu sa Zakonom o ustanovama, Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo, Pravilnikom o proceduri izbora i imenovanja direktora javnih ustanova iz oblasti socijalne zaštite i drugim zakonskim i podzakonskim aktima.
- (3) Pored uslova propisanim Zakonom o ustanovama, Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo i drugim zakonskim i podzakonskim aktima, za direktora Doma za djecu može biti imenovana osoba koja ispunjava slijedeće uslove:
- a) da je državljanin Bosne i Hercegovine,
 - b) da je stariji od 18 godina,
 - c) da ima opštu zdravstvenu sposobnost,
 - d) da nije osuđivan za krivično djelo koje je nespojivo sa obavljanjem dužnosti direktora,
 - e) da nije osuđivan za prekršaj koji je nespojiv sa obavljanjem dužnosti direktora.
- (4) Direktor Doma za djecu ne može biti predsjednik i član upravnog odbora i predsjednik i član nadzornog odbora bilo koje ustanove nezavisno od oblasti za koju je ustanova osnovana, a koja djeluje u Bosni i Hercegovini.

Član 22. (Poslovi i zadaci organa rukovođenja)

- (1) Direktor Doma za djecu, u funkciji rukovođenja, vrši slijedeće poslove i zadatke:
- a) organizuje i rukovodi radom Doma za djecu
 - b) predstavlja i zastupa Dom za djecu prema trećim licima,
 - c) predlaže mjere za efikasno i zakonito obavljanje djelatnosti Doma za djecu i odgovoran je za isto,
 - d) odgovoran je za finansijsko-materijalno poslovanje Doma za djecu
 - e) predlaže unutrašnju organizaciju i sistematizaciju radnih mjesta,
 - f) predlaže programe i planove rada i razvoja Doma za djecu i preduzima mjere za njihovo sprovođenje,
 - g) stara se o blagovremenom i zakonitom izvršenju opštih i posebnih akata Doma za djecu
 - h) izvršava i organizuje sprovođenje odluka Upravnog odbora,
 - i) imenuje i razrješava zaposlenike sa posebnim ovlaštenjima i odgovornostima,
 - j) odlučuje o pravima, obavezama i odgovornostima zaposlenika iz radnog odnosa,
 - k) podnosi Upravnom odboru izvještaj o radu i finansijskom poslovanju,
 - l) obavlja i druge poslove u skladu sa zakonom i Pravilima Doma za djecu.
- (2) Direktor je nalogodavac za izvršenje finansijskog plana Doma za djecu i odgovoran je Upravnom odboru za rezultate rada i finansijsko poslovanja.

Član 23.
(Imenovanje organa rukovođenja)

- (1) Direktor se imenuje na mandat od četiri godine i može biti ponovo imenovan na još samo jedan mandat.

Član 24.
(Razrješenje organa rukovođenja)

- (1) Upravni odbor može razrješiti direktora i prije vremena na koji je imenovan iz slijedećih razloga:
- a) na lični zahtjev direktora;
 - b) ako utvrdi da je odgovoran za neuspješan ili nezakonit rad ustanove;
 - c) neispunjavanje uslova za imenovanje direktora propisanih Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo i uslova propisanih ovim Pravilima;
 - d) neusvajanjem izvještaja o poslovanju koji obuhvata izvještaj o radu sa izvještajem o finansijskom poslovanju Doma;
 - e) zloupotrebe pozicije direktora u Doma za djecu u korist ličnog interesa ili interesa druge osobe;
 - f) korištenje imovine Doma za djecu u privatne svrhe;
 - g) nesavjesno i neodgovorno obavljanje poslova direktora, a koje se negativno odražava na rad, afirmaciju Doma za djecu i čuvanje ugleda;
 - h) propuštanje sprečavanja nepravilnosti u radu Doma za djecu;
 - i) dobijanje dvije uzastopne negativne godišnje ocjene za rad od strane Upravnog odbora;
 - j) nepoštivanje općih akata Doma;
- (2) Prijedlog za prijevremeno razrješenje direktora iz razloga navedenih u stavu (1) ovog člana, može dati Osnivač, odnosno Vlada Kantona Sarajevo, predsjednik ili članovi Upravnog ili Nadzornog odbora Doma za djecu.

Član 25.
(Vršilac dužnosti organa rukovođenja)

- (1) Ako direktor nije imenovan, upravni odbor će bez konkursa imenovati vršioca dužnosti direktora iz reda stručnih zaposlenika Doma za djecu.
- (2) Vršilac dužnosti direktora ima sva prava i dužnosti direktora.
- (3) Vršilac dužnosti direktora može rukovoditi Domom za djecu do imenovanja direktora, a najduže šest mjeseci od dana njegovog imenovanja.

VIII. ORGAN KONTROLE

Član 26.
(Organ kontrole)

- (1) Organ kontrole poslovanja Doma za djecu je Nadzorni odbor.
- (2) Predsjednika i članove Nadzornog odbora imenuje i razrješava Vlada Kantona Sarajevo u skladu sa važećim zakonskim i podzakonskim propisima.
- (3) Nadzorni odbor sastoji se od 3 (tri) člana od kojih se, u pravilu 1 (jedan) član imenuje iz reda stručnih zaposlenika, a 2 (dva) člana ispred Osnivača Ustanove.
- (4) Nadzorni odbor donosi odluke većinom glasova svih članova.
- (5) Predsjednik i članovi Nadzornog odbora imenuju se na period od 4 godine i mogu biti ponovo imenovani.

- (6) Predsjednik i članovi Nadzornog odbora imaju pravo na mjesečnu naknadu, čiju visinu određuje Vlada Kantona Sarajevo.

Član 27.
(Imenovanje organa kontrole)

- (1) Za predsjednika i člana Nadzornog odbora pored uslova propisanih Zakonom o ustanovama, Zakonom o socijalnoj zaštiti, zaštiti civilnih žrtava rata i zaštiti porodice sa djecom i drugih zakonskih i podzakonskih akata, može biti imenovana osoba koja ispunjava i slijedeće uslove:
- a) da je državljanin Bosne i Hercegovine;
 - b) da nije osuđivan za krivično djelo koje je nespojivo sa obavljanjem dužnosti predsjednika i člana nadzornog odbora Doma za djecu ;
 - c) da nije osuđivan za prekršaj koji je nespojiv sa obavljanjem dužnosti predsjednika i člana nadzornog odbora Doma za djecu;
- (2) Bliži uslovi za imenovanje predsjednika i člana Nadzornog odbora sadržani su u posebnom aktu koji donosi Vlada Kantona Sarajevo.

Član 28.
(Razrješenje organa kontrole)

Pored razloga propisanih Zakonom o ustanovama Osnivač može razrješiti predsjednika i članove nadzornog odbora i prije vremena na koje su imenovani u slučajevima propisanim Zakonom o socijalnoj zaštiti, zaštiti civilnih žrtava rata i zaštiti porodice sa djecom Kantona Sarajevo i drugim zakonskih i podzakonskim aktima.

Član 29.
(Nadležnosti organa kontrole)

Nadzorni odbor Doma za djecu vrši slijedeće poslove:

- a) analizira izvještaje o poslovanju Doma za djecu,
- b) vrši nadzor nad upotrebom sredstava za rad, pregleda godišnji izvještaj o poslovanju i godišnji obračun,
- c) pregleda i provjerava urednost i zakonitost vođenja poslovnih knjiga,
- d) izvještava osnivača, Upravni odbor i direktora Doma za djecu o rezultatima nadzora.

IX. STRUČNI KOLEGIJ

Član 30.
(Stručni kolegij)

- (1) Stručni kolegij je stručno i savjetodavno tijelo koje se formira radi razmatranja i zauzimanja stavova o stručnim i drugim pitanjima iz djelokruga rada Doma za djecu.
- (2) Stručni kolegij sačinjavaju: direktor i šefovi Službi.
- (3) Stručni kolegij saziva i njegovim radom rukovodi direktor Doma za djecu.

Član 31.
(Poslovi, zadaci, sastav i način formiranja Stručnog kolegija)

- (1) U skladu sa potrebama razmatranja zahtjeva za smještaj u Dom za djecu praćenje stanja adaptacije, kao i donošenja odluka o prestanku smještaja, u Domu za djecu se formira Stručni tim.
- (2) Stručni tim sačinjavaju: šef Stručne službe, šef Službe finansijsko računovodstvenih poslova, šef Službe pravnih, kadrovskih i općih poslova, šef Službe za tehničke poslove, Doma za djecu.

- (3) O formiranju stručnih i konsultativnih organa, radnih grupa i komisija rješenje donosi direktor Doma za djecu.

Član 32.
(Povremene stručne komisije i radna tijela)

- (1) Za članove povremenih stručnih komisija i radnih tijela, pored radnika Doma za djecu, prema ukazanoj potrebi mogu se angažovati lica koja nisu u radnom odnosu u Domu za djecu.
- (2) Rješenjem o angažovanju lica iz stava (1) ovog člana, utvrđuje se naknada angažovanim licima.

X. OPŠTI AKTI

Član 33.
(Opšti akti)

- (1) Opšti akti Doma za djecu su:
 - a) Pravila Kantonalne javne ustanove Doma za djecu bez roditeljskog staranja (u daljem tekstu: Pravila), kao osnovni opšti akt,
 - b) Pravilnik o radu sa unutrašnjom organizacijom i sistematizacijom radnih mjesta Kantonalne javne ustanove Doma za djecu bez roditeljskog staranja.
- (2) Opšte akte Doma za djecu bez roditeljskog staranja, njihove izmjene i dopune, donosi Upravni odbor u skladu sa propisanom procedurom.
- (3) Na akte iz stava (1) ovog člana saglasnost daje Ministarstvo za rad, socijalnu politiku, raseljena lica i izbjeglice Kantona Sarajevo.
- (4) Aktima iz stava (1) ovog člana vrši se bliže uređenje međusobnih prava, obaveza i odgovornosti radnika, unutrašnja organizacija i sistematizacija poslova i radnih zadataka i zaštita imovine Doma za djecu bez roditeljskog staranja u skladu sa zakonom i ovim Pravilima.

XI. OSTVARIVANJE JAVNOSTI RADA

Član 34.
(Ostvarivanje javnosti rada)

- (1) Rad Doma za djecu bez roditeljskog staranja je javan, izuzev podataka i dokumenata koji predstavljaju poslovnu i službenu tajnu.
- (2) Poslovnom i službenom tajnom smatraju se isprave čije bi saopštavanje ili davanje na uvid, kopiranje ili prepis neovlaštenim osobama bilo protivno interesima Doma za djecu bez roditeljskog staranja, kao i podaci koji se odnose na lične i porodične prilike zaposlenika i korisnika usluga smještaja u Domu za djecu bez roditeljskog staranja.
- (3) Poslovnu i službenu tajnu dužni su čuvati članovi Upravnog i Nadzornog odbora, zaposlenici Doma za djecu bez roditeljskog staranja, kao i angažovana lica u raznim komisijama i lica koja za potrebe Doma za djecu bez roditeljskog staranja vrše privremene i povremene poslove i poslove po osnovu ugovora o djelu.
- (4) Obaveza čuvanja poslovne i službene tajne ne prestaje prestankom statusa za lica iz stava (3) ovog člana.
- (5) Ostvarivanje javnosti rada putem sredstava javnog informisanja vrši se isključivo davanjem informacija od strane direktora Doma za djecu bez roditeljskog staranja ili stručnog zaposlenika kojeg za to ovlasti direktor.

XII. NADZOR NAD ZAKONITOŠĆU RADA

Član 35.

(Nadzor nad zakonitošću rada)

- (1) Nadzor nad zakonitošću rada i nadzor nad stručnim radom Doma za djecu vrši Ministarstvo za rad, socijalnu politiku, raseljena lica i izbjeglice Kantona Sarajevo.
- (2) Inspeksijski nadzor nad zakonitošću rada Doma za djecu vrši Kantonalna uprava za inspeksijske poslove Kantona Sarajevo.

XIII. PRELAZNE I ZAVRŠNE ODREDBE

Član 36.

(Izmjene i dopune)

- (1) Izmjene i dopune ovih Pravila vršit će se po postupku i na način propisan za njihovo donošenje.

Član 37.

(Prestanak važenja)

- (1) Stupanjem na snagu ovih Pravila prestaju da važe Pravila Kantonalne javne ustanove „Dom za djecu bez roditeljskog staranja“ Sarajevo, broj: 338/07 od 19.06.2007. godine, 444/08 od 02.04.2008. godine, 1376/10 od 30.09.2010. godine, 1568/12 od 31.08. 2012. godine i 88/14 od 30.01.2014. godine.


Član 38.

(Završne odredbe)

- (1) Na ova Pravila pribavit će se saglasnost od strane Ministarstva za rad, socijalnu politiku, raseljena lica i izbjeglice Kantona Sarajevo.
- (2) Nakon pribavljene saglasnosti iz stava 1. ovog člana, ova Pravila se objavljuju na oglasnoj ploči Doma i stupaju na snagu osmog dana od dana objavljivanja na oglasnoj ploči.

Broj: 53-UO/ 18

Datum: 30.08.2018. godine



**PREDSJEDNIK
Upravnog odbora**

Elfada Gutić, dipl. iur

Službena zabilješka:

Pravila Kantonalne javne ustanove Dom za djecu bez roditeljskog staranja objavljena su dana 03.10.2018. . godine, a stupila su na snagu dana 11.10.2018. . godine.

Potpis i pečat odgovornog lica



Direktorica

Mr. Belma Ahmagić